



CONVENIO DE COLABORACIÓN ENTRE O CONCELLO DE VILAGARCÍA DE AROUSA E A ASOCIACIÓN CENTRO COMERCIAL ABERTO ZONA ABERTA PARA A POSTA EN MARCHA DA INICIATIVA "BONOS SON DA CASA" 2021.

REUNIDOS

Dunha parte, **D. ALBERTO VARELA PAZ, ALCALDE - PRESIDENTE DO CONCELLO DE VILAGARCÍA DE AROUSA CON NIF 35461107Y**

E doutra parte **D^a. ROCÍO LOUZÁN BLANCO, DNI 35453018J**, en calidade de presidenta da asociación de comerciantes **CENTRO COMERCIAL ABERTO ZONA ABERTA, CIF G-36256048**

Recoñecéndose as partes representación e competencia suficiente para asinar o presente documento

MANIFESTAN

1. Que a **ASOCIACIÓN DE COMERCIANTES ZONA ABERTA** ten como obxectivo así recoñecido nos seus estatutos a promoción do comercio de proximidade no termo municipal de Vilagarcía de Arousa actuando principalmente en interese dos seus establecementos asociados.

2. Que o **CONCELLO DE VILAGARCÍA DE AROUSA**, no marco da campaña **SON DA CASA** e dentro do plan de promoción e recuperación económica do Concello de Vilagarcía, a vista da excelente acollida das primeiras edicións proxecta poñer en marcha unha terceira edición da iniciativa, na procura de continuar a incentivar o consumo nos establecementos, negocios e locais de hostalería de Vilagarcía.

Por todo iso, as partes,

ACORDAN

PRIMEIRA. DEFINIÇÃO DO OBXECTO DA COLABORACIÓN E DA ENTIDADE COLABORADORA.

a) Obxecto da colaboración.

O presente convenio ten por obxecto establecer o marco de colaboración entre o Concello de Vilagarcía e a asociación de comerciantes Zona Aberta, para o desenvolvemento da terceira edición da iniciativa **BONOS SON DA CASA**.

Mediante a devandita iniciativa, igual que nas anteriores edicións, o Concello de Vilagarcía porá á venda, para a súa adquisición pola cidadanía **3.750 paquetes de bonos** por valor de **30 Euros c/u** (10€+10€+5€+5€) dos que **o adquirente aboará 20€** e os outros **10€ correrán a cargo do Concello**.

Os cidadáns poderán adquirir os bonos a través dunha plataforma dixital ou en formato físico.

Para o desenvolvemento da terceira edición da iniciativa **BONOS SON DA CASA**, estímase preciso subscribir un novo convenio de colaboración entre o **Concello de Vilagarcía** (en calidade de **órgano concedente**), e a Asociación de comerciantes **Zona Aberta** (en calidade de **entidade colaboradora**), nos termos establecidos no artigo 9 da lei 9/2007 de 13 de xuño de subvencións de Galicia,

b) Entidade colaboradora.

A asociación de Comerciantes Zona Aberta é unha entidade sen fin de lucro implicada na dinamización e pulo á actividade comercial do Concello, que colabora co Concello de Vilagarcía en cantas iniciativas se poñen en marcha dende o mesmo para a dinamización e fortalecemento da actividade comercial da cidade.

Zona Aberta prestou a súa colaboración nas dúas primeiras edicións, asumindo a atención aos comerciantes e a xestión do aboamento das cantidades correspondentes a cada establecementos.

SEGUNDA. PLAZO DE DURACIÓN DO CONVENIO DE COLABORACIÓN

O prazo de duración do presente convenio estenderase dende o día da aprobación da pola XGL, ata o **30 de agosto de 2021**, contando cun mes dende o remate do prazo de venda, para ultimarse a xestión dos derradeiros bonos adquiridos.

A venda de bonos desta terceira edición levarase a cabo entre o **14 de maio 2021 e ata o 31 de xullo de 2021**.

TERCEIRA. IDENTIFICACIÓN DA NORMATIVA REGULADORA ESPECIAL DAS SUBVENCÍONS QUE VAN SER XESTIONADAS POLA ENTIDADE COLABORADORA.

O presente convenio rexerese polo disposto na Lei 9/2007 de subvencións de Galicia, na Lei 38/2003 xeral de subvencións e no Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións.

CUARTA. MEDIDAS DE GARANTIA.

A lei 38/2003 Xeral de subvencións establece entre o contido mínimo dos convenios, a especificación das medidas de garantías que sexa preciso constituír a favor do órgano administrativo concedente, medios de constitución e procedemento de cancelación.

O Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, establece no seu artigo 42, relativo ao réxime xeral de garantías que **procederá a constitución de garantías nos supostos en que as bases reguladoras así o impoñan e na forma que se determine nas mesmas**.

O artigo 43 do Regulamento refírese á prestación garantía **como unha facultade** que debe constar expresamente nas bases, establecendo os supostos nos que **se poderán** exixir garantía.

Tendo en conta o obxecto do presente convenio, as condicións e períodos de entrega dos fondos e condicións de depósito dos mesmos, así como as obrigas asumidas pola entidade colaboradora, **exímese á entidade colaboradora da prestación de garantía**, sen prexuízo da obriga da Asociación de comerciantes de someterse ás actuacións de comprobación e control nos termos establecidos no artigo 13 I, da lei de subvencións de Galicia, así como do cumprimento das obrigas de xustificación da entrega dos fondos correspondentes aos establecementos.

QUINTA. REQUISITOS QUE DEBE CUMPRIR A ENTIDADE COLABORADORA EN CADA UNHA DAS FASES DO PROCEDEMENTO.

A asociación colaborará co Concello nesta terceira edición de acordo coas estipulacións establecidas no presente convenio e coas BASES que se engaden ao mesmo como **ANEXO I**, nas que establecen os dereitos e compromisos dos establecementos que se adhiran a iniciativa, así como as condicións de uso dos Bonos polas persoas adquirentes.

a) Nunha primeira fase:

- Difundir a iniciativa, procurando a adhesión á mesma, entre todos os establecementos comerciais, pequenos negocios e locais de hostalería do Concello de Vilagarcía.
- Recompilar e dar traslado ao Concello dos datos precisos para a inscrición dos establecementos que solicitan a adhesión á campaña.

b) Ao longo do desenvolvemento da campaña

- Requirir dos establecementos participantes a entrega da documentación acreditativa das transaccións realizadas mediante uso dos bonos (bonos en formato físico, tickets, facturas e/ou calquera outros documentos acreditativos das transaccións realizadas), conservando a mesma e poñéndoa a disposición do Concello a efectos de comprobación e xustificación.
- Asumir as tarefas e gastos inherentes á venda dos bonos en formato físico, mediante a colocación dun posto durante 3 horas en 6 días alternos o longo da campaña fixados polo Concello así como a situación n do mesmo.

- Xestionar e realizar o aboamento das cantidades que corresponda polo uso dos bonos, aos comercios adheridos á iniciativa, mediante transferencia bancaria á conta facilitada por estes a tal efecto.

Salvo circunstancias excepcionais, o aboamento aos establecementos das cantidades que en cada caso lle correspondan, levarase a cabo con periodicidade semanal, previa verificación pola Asociación da documentación acreditativa das vendas por parte dos establecementos.

- Colaborar en todo momento na xestión do proxecto, asumindo a interlocución cos establecementos adheridos e a xestión de incidencias, en coordinación co servizo de promoción económica como unidade tramitadora do expediente.

c) Na fase final e de xustificación:

- Presentación da documentación xustificativa da colaboración na xestión dos bonos que constará dun informe final, unha memoria avaliativa e un balance económico das accións, **dentro do prazo de 2 meses** seguintes á finalización da execución do proxecto. (**data límite 30 de outubro de 2021**)

- Reintegrar ao Concello de Vilagarcía, mediante transferencia bancaria á conta que a tal efecto se determine, os remanentes da compra e de consumo dos bonos que resten na conta bancaria da Asociación utilizada para a xestión dos bonos e/ou na aplicación dixital de adquisición dos bonos, dentro do **mes seguinte** ao remate da campaña, (**30 de agosto de 2021**).

- Reintegrar ao Concello de Vilagarcía, mediante transferencia bancaria á conta que a tal efecto se determine, os remanentes da compra e de consumo dos bonos que lle sexan transferidos pola plataforma dixital de xestión dos bonos, **dentro do prazo de 2 meses** seguintes á finalización da execución do proxecto. (**data límite 30 de outubro de 2021**)

SEXTA. DETERMINACIÓN DO PERÍODO DE ENTREGA DOS FONDOS Á ENTIDADE COLABORADORA

A asociación de comerciantes colaborará co Concello na próxima edición de acordo coas estipulacións establecidas no presente convenio e coas BASES que se engaden ao mesmo como **ANEXO I**, nas que establecen os dereitos e compromisos dos establecementos que se adhiran a iniciativa, así como as condicións de uso dos Bonos polas persoas adquirentes.

O Concello de Vilagarcía **aportará 37.500,00€** con carácter prepagable, mediante transferencia á conta bancaria (destinada exclusivamente a esta iniciativa) titularidade da entidade colaboradora (Asociación de Comerciantes Zona Aberta), con cargo á partida orzamentaria **4311-470 do orzamento vixente**.

A transferencia dos fondos levarase a cabo nos prazos e porcentaxes que se indican:

1º PAGO: Logo aprobación da sinatura do convenio pola XGL, á posta en marcha da iniciativa, e dicit o 14 de maio de 2021, procederase á transferencia de **18.750,00€**, equivalentes ao **50%** da cantidade total correspondente ao Concello.

2ª PAGO: Xustificada pola Asociación de Comerciantes, a transferencia aos establecementos adheridos da cantidade antedita, procederase a transferir por parte do Concello, a cantidade de **9.375,00€**, equivalente ao **25%** do total da aportación municipal.

3º PAGO: Xustificada pola asociación o abono aos establecementos da cantidade antedita, transferirase á conta da asociación a cantidade **9.375,00€** equivalente ao **25%** restante da aportación municipal.

SÉTIMA. PRAZO E FORMA DE XUSTIFICACIÓN DA ENTREGA DOS FONDOS POR PARTE DA ENTIDADE COLABORADORA.

- Con carácter previo á transferencia do **2º PAGO do 25%**, a entidade deberá xustificar debidamente a entrega dos fondos polas transaccións realizadas con bonos, aos establecementos que corresponda.

- Igualmente, con carácter previo á transferencia do **3º PAGO do 25%** restante, deberá xustificar debidamente a transferencia dos fondos que correspondan a cada establecemento.

A xustificación para cada un dos pagos levarase a cabo pola entidade colaboradora mediante presentación por rexistro de certificado bancario do saldo da conta á data de xustificación,

extracto bancario selado pola entidade, onde conste as contías transferidas e os establecementos receptores das mesmas xunto coa relación dos bonos.

Á vista da documentación xustificativa presentada, polo órgano xestor formularase informe, e no seu caso proposta de aboamento.

OITAVA. INCUMPRIMENTO E OBRIGA DE REINTEGRO

O incumprimento de calquera das obrigas do presente convenio por parte da Asociación, suporá o reintegro total ou parcial dos fondos. Sen prexuízo da perda do dereito á percepción de calquera outra axuda ou subvención a que tivera dereito. Para o non previsto no presente documento, así como para a súa interpretación, modificación ou resolución, será de aplicación o disposto na lexislación vixente, en particular, a Lei 38/2003 de 17 de novembro, Xeral de Subvencións.

NOVENA. OBRIGA DA ENTIDADE COLABORADORA DE SOMETERSE ÁS ACTUACIÓNS DE COMPROBACIÓN E CONTROL

A Asociación de comerciantes deberá someterse ás actuacións de comprobación e control nos termos establecidos no artigo 13 I, da lei de subvencións de Galicia, así como do cumprimento das obrigas de xustificación da entrega dos fondos correspondentes aos establecementos.

Aos efectos establecidos no parágrafo anterior, a Asociación conservará os tiquets/facturas ou documentos acreditativos das transaccións correspondentes a cada un dos establecementos ata o remate do prazo de xustificación (30 de outubro de 2021)

DÉCIMA. COMPENSACIÓN ECONÓMICA A FAVOR DA ENTIDADE COLABORADORA.

Para o caso de que se acorde a venda de bonos en formato físico, o Concello compensará á Asociación de comerciantes na cantidade equivalente aos custos salariais totais incluída a cotización empresarial á Seguridade Social, por todos os conceptos, derivados da contratación dunha persoa que desenvolva dita función, cunha xornada e 3 horas por sesión e un máximo de 6 sesións.

Con carácter previo ao aboamento desta compensación, a Asociación, en aplicación do convenio colectivo que corresponda, xustificará a contratación da persoa traballadora e a tal efecto aportará as nóminas da/o traballador/a contratado/a, Boletíns de cotización á Seguridade Social e Resgardo bancario de aboamento da nóminas.

A documentación acreditativa e solicitude de aboamento da compensación económica deberá realizarse antes do remate do prazo de xustificación, (**data límite 30 de outubro de 2021**).

En proba de conformidade, asinan as partes o presente convenio, en Vilagarcía de Arousa, na data da sinatura dixital.

Polo Concello de Vilagarcía

Pola Asociación de Comerciantes

Ante min, A Secretaria

O Alcalde-Presidente/Alberto Varela Paz

A Presidenta/Rocío Louzán Blanco

Rosa María Losada Suárez